









西

香

圖



河間俞氏仲替



序

方今善士著書勸世者大要有  
三務清靜而談道教持戒律而  
參禪說述因果而衍傳奇傳奇  
者託言以寓意半多塗飾無論  
矣即清靜戒律之說亦蹈虛



無裨於身心倫紀孰知教家自有  
本原勅世必基切近易於養人  
省為百行之先務者莫過於孝  
乎或謂孝之道大矣其精誠能  
動天地通神明聲襍祥消暴戾  
夫豈易言者哉人莫不有親性



本無不善良知良能生而具  
往々以年齒浸長為嗜好所乘  
流於放蕩違背習焉而不察恬  
然以自安如孟子所謂世人不孝  
之五無他善童能失於提撕無  
所親感耳會稽俞君蘭浦敦品



節期以孝勸人追溯聖帝明王  
下逮於臣庶窮閭推廣世四孝  
圖說數千百年間得孝行昭著  
者百人列小序各題五言一語合  
駢儷詩五十韻乃兄仰山惜其  
未傳捐館欲伸其志倩名手繪



圖刊刻成書伯仲間力果心精  
洵可謂樂善不倦矣我

以孝治天下昔

守初年頒製

訓教孝弟以重人倫等凡十六  
條於學宮各直省疆吏率庶官



於月朔望宣稱較古鄉社禮每  
歲十四讀法尤敬備焉猗歟盛  
哉超歷代所未有也茲俞氏遵  
崇上行良法輯刊是書欲使家  
喻戶曉凡為父兄長上編纂熟  
復即孩提婦孺輩六朝夕樂聞




從此發其深省孝思必有油然而  
生者培童稚以端本啓庸衆之  
性靈於世道人心足相維繫予  
纓以秉鈞兼持粵節年來海甸  
又安餘莠漸次可格有志於化  
民成俗猶未逮也因披閱是書



瑞序

而快愉焉故特為之序云  
同治癸酉季秋之望文華殿大學  
士督粵使者長白瑞麟撰並書





百孝圖說序

自古帝王化民以孝治天下聖賢覺  
世以孝明人倫誠以孝為萬化之原  
百行之本而斯世斯民之所共由也  
故孝行於家則昭一門之豫順孝聞  
於國斯釀宇宙之太和則孝之足以



維世教感人心者伊古然矣曠觀詩  
書所載經史所傳其德位並隆孝行  
卓著者固盡乎人倫之至而為後世  
法即愚夫愚婦其孝性純篤足以格  
天地感神明而風雲雷雨為之呵護  
鳥獸草木莫不效靈其潛德幽光雖



百世下聞風而興起者何也秉彝好  
德人心有同然也乃今觀之百孝圖  
說而歎其得乎人心之同然矣蓋百  
孝圖說者俞蘭浦先生所手著也上  
自虞舜下迄前明博採史傳旁及雜  
錄其間聖帝明王賢士大夫以及婦



人孺子其孝行昭然在人耳目者為  
之繪圖著說紀其事蹟括以韻語他  
如祥和之感召報施之神速又復為  
之繁稱博引其所以昭示後人者至  
深切矣夫誰非人子誰無父母後之  
覽者望古遙集反躬內省有不油然而



動其愛敬之心翕然興其底豫之化  
者乎則是編之有裨於世教人心者  
豈淺鮮哉余閱是編因想見蘭浦之  
為人其天性之肫誠家庭之孝友必  
有大過人者惜未身居顯要生平懿  
行弗獲表見壬申秋與其文郎子謀



少尹共事海汕公餘之暇敬述顛末  
爰出是編余固欣然而為之序嘗  
同治壬申小陽月闕里孔昭浹題於  
汕局之望海樓





自序

粵東顏子所題百美新詠括以韻語  
袁簡齋太史謂其五字抵華星雖義  
洽春秋體兼風雅而貞淫雜錄妍媸  
並載究不若表庸行於至孝發潛德  
之幽光更有關於名教也孝為百行  
之首昔人有圖二十四孝而詠其事  
者顧秉彝之好亙古常昭悉數難終



然自有虞以來五千有餘歲矣積世  
愈久成德愈多其中湮沒不傳者何  
可勝慨真不揣固陋爰就見聞所及  
綜古今來孝行卓著者得百人百事  
亦成五言五十聯額曰百孝圖說非  
敢效顰聊記篇目即譏之以續貂亦  
不計也但使仁人孝子讀是編者如  
見其人如聞其風愛敬之心油然而自




生則是篇之集未必非至德要道之  
一助耳書成並贅其緣起於簡端云

時

咸豐癸丑七月既望俞葆真誠甫誌









# 序

百孝圖說者吾友俞蘭浦先生客中  
隨筆也蘭浦夏間見予有百美新詠  
乞借一觀於是鐙窗餘閒觸其著述  
即仿百美之式著為百孝圖說自帝



舜始以迄前明共得百人每人名次  
綴以五言韻語一句括其事實然後  
各繫傳說里居姓氏出處孝感搜羅  
宏富縷晰詳明將付梨棗而以副本  
寄予并乞一言為序公餘披讀不覺



輾然喜曰吾今而知蘭浦之學更有  
進也夫吾人之立說著書原與小夫  
學究悍然逞其烏喙缺舌以創為小  
說者異故其書苟無關於天下國家  
身心性命雖係鏤金刻玉究屬虛談



縱極製鴻裁總歸無用若百美新詠

其中雖寓貞淫正變傳載詞語亦甚

周詳蘊藉要不過供騷人逸士一時

把玩孰若此編舉數千百年之孝子

仁人於尺幅初味韻語則粗知大槩



繼披傳說則并其甘旨辛勤醫禱苦  
楚以至雷雨風雲禽魚虎豹報應之  
奇徵驗之幻鬚眉若揭羹牆如見無  
論公卿大夫以及士庶人皆欲各置  
一本於左右內足以躬行體驗隨時



省察外足以教子課孫宜民及物斯  
有道君子之所為也所謂醴泉芝草  
不若布帛菽粟之有功於人世者其  
此書之謂歟蘭浦為人瑰奇倜儻不  
苟言笑不以詩炫而世亦莫知其能



詩者此集清詞麗句古筆排冑他日  
剗剗告成直與劉郎樂府唱遏武陵  
杜氏新詩遠傳高麗矣予老矣一官  
匏繫筆墨就荒惜無燕許手筆抒寫  
雕龍佳製不過管見之顛末如是以



志之而已是為序

咸豐三年秋七月仁和裘愷齊題於

鳳山官廨之哦松館時年七十有六

同治九年秋九月茂名周朝勳謹書



孝為百行之源故茲孝勸忠賢  
哲首重然孝本庸德古之以孝  
著未必以傳世之心而或以格天地  
洽神明化及鄉國佐成雍熙國  
史家棄備載博徵良初垂訓以  
人示之典型了以唐李泌裴翬為



上忠孝圖宋蔡襄呈上孝經圖  
惟皆炎帙浩繁且至坊板久弛里  
閭婦稚目不辨之至北江能解者  
友仰山先生玉性誠篤夙敦孝  
友乃弟蘭浦早逝著書百孝詩  
并錄歷代孝行百則以虞舜為



首逮及士友婦稚凡有可以取法  
者皆錄之從可知自天子至於庶  
人一星皆以孝親為本生而意  
亦深且切矣今得

仰山存而輯之且為繪年圖說  
窮流溯源條分縷晰雖曰成



蘭浦未完之志生此以為勸孝  
針者何如哉凡以血緣讀書  
當可勃然興起即目不辨之無  
者亦可按圖索解樂于講論而  
言淺旨顯視李蔡二圖為易購  
生流傳親踐者以速于國史家



乘者書成序予校正作序願  
予竊以為忠孝同源倘以再輯  
忠臣圖說合而梓之尤足為勸  
世之津梁此書

仰山急剏剏不肯留為枕中  
秘故為校正并序生崖畧而復



推廣其意旨覽此書者生無  
負此一片婆心乎時

同治九年六月愚弟朱世忠謹識





百孝圖說叙

古人著書立說不矜奇異必身行心得之  
餘本德行以發為文章修己勵人訓垂後  
世賈乎莫可及矣夫經史燦陳罔非法誠  
余與蘭浦弟童年失怙恪遵母教及長經  
營菽水坐是廢讀然猶不克顯揚為寸草  
春暉之報憾莫大焉蘭浦素性耿介治家  
嚴肅常言為宗祖教子孫亦可補孝養之



俞序

不逮爰采古來孝行事蹟分綴五言作百  
孝詩並欲每句繪圖萃成一冊因循未果  
值咸豐甲寅冬羊城戒嚴挈眷遷避端江  
寢疾不起賁志以終余思完其志十餘年  
矣公私交迫未暇物色畫工遺帙久存篋  
中己巳冬因就正於吾友鄭君紀常大加  
獎誨為寄陳村何君雲梯請任繪事庚午  
秋成圖百帙通慫余付剞劂噫蘭浦未竟



之苦心敦迫者紀常踵成者雲梯微二君  
將咎余稽延歲月無以慰蘭浦於九京後  
之覽者亦將有感於斯圖是為序  
同治庚午菊月鑑湖漁叟識于養珊仙館









序

百行以孝為先此語讀書中

人固所常誦即山童邨婦亦

無不共聞何以有孝行著者

竟罕見耶雖然城市鄉黨間



行可稱孝者亦有其人但末  
收諸史冊遂為泯沒耳況邇  
來世風日下沿習澆漓不知  
孝山天性自然反以孝作另  
成一事且擇古人投爐埋兒



為忍心害理指暑不驅蚊為  
損親遺體殊未審孝只在乎  
心不在乎跡盡孝無定形行  
孝無定事古以孝者非在今  
所宜今以孝者難泥古之事



因此時此地不同而其人其  
事各異求其所以盡孝之心  
則一也子夏曰事父母能竭  
其力故孔門問孝所答何嘗  
有同然乎仰山先生携其



先弟蘭浦所撰百孝詩纂百  
孝傳屬余繪百孝圖可謂兄  
弟同心致孝而欲天下人  
知孝矣余因事阻轉商於鳳  
城雲梯何君以圖之增刪付



梓兩易寒暑今始告竣百忘  
不敵睨序數語願觀是圖者  
加勉孝思勿以今人所薄古  
人能孝未必泯沒於史冊也  
同治辛未仲春紀常鄭績





宗尼仰山蘭浦本  
教於紫簪久咸稱  
止茲得古聖先賢  
於教事跡繪圖  
說名象百教圖  
愚未愚婦閱止  
而







止用必也於子日

帷奇子于足夷何

山蘭浦昆仲著百

奇圖說止謂與

同治十年歲

三月平未季歲



寶豐泉  
豐美  
益叙  
集  
俞序



百孝圖總目

附錄蘭浦百孝詩存

象耕鳥耘

虞舜帝

大孝格天地

寢門三朝

周文王

三朝定省期

入林哭筍

晉孟宗

淚收持筍返

啖指痛心

周曾子

心痛荷薪馳

蘆衣忍凍

周閔子

順母單衣御

懷橘貽親

後漢陸績

思親兩橘遺

夢覺尋父

明王原

炊莎誠感夢



總目

為親負米

周季路

負米力忘疲

白魚供母

宋高登

供膳欣鱗躍

舞綵娛親

周老萊子

娛親舞綵嬉

孝馴野兔

隋華秋

毀形馴野兔

鹿乳供親

周剡子

取乳溷山麋

三載侍疾

漢文帝

三載湯躬進

刺血書經

宋顧忻

十年素自持

行傭備養

漢江革

負逃頻陷賊



埋兒獲金

漢郭巨

淚洗漆字

南齊袁昂

賣身葬父

漢董永

種瓜營葬

齊韓靈珍

刻木如生

漢丁蘭

拾椹異器

漢蔡順

詣門貨漿

梁陸襄

羣烏銜土

漢顏烏

饑饉忍埋兒

漆字含悲洗

蕪墳鬻體爲

種瓜完素願

刻木慰烏私

拾椹盛猶別

量漿數適宜

羣烏銜土築



湧泉躍鯉漢姜詩

執硯涕泣晉范喬

蓼莪廢詩魏王裒

扇枕溫衾漢黃香

親衰泣杖漢韓伯瑜

剖冰求鯉晉王祥

為親拜虎明包實夫

暑不驅蚊晉吳猛

雙鯉湧泉隨

齧齏悲留硯

蓼莪廢咏詩

溫衾虞父冷

泣杖痛慈哀

冰鯉求偏獲

山君拜致詞

恣蚊憑體憊



搯虎拯親

漢楊香

躬滌溺器

宋黃庭堅

哀毀支筇

北魏王崇

嘗糞心憂

南齊庾黔婁

聞哀輟社

魏王修

盜恤孝子

漢趙咨

念親卻虎

宋朱泰

葡萄遺母

唐陳叔達

搯虎拯親危

溺器勤躬滌

哀筇帶疾支

糞甜心恐懼

社輟感悽其

義士名嘉矣

餘生虎界之

葡萄消母渴



登堂拜乳唐唐夫人唐夫

求增父秩唐孫逖

袖劍誅仇魏趙娥

棄官尋母宋朱壽昌

入夢見親齊蕭鏗

烹鷄奉母漢茅容

冒刃保姑唐盧氏

泣滅原燎晉貞孝

乳酪療姑飢

求秩稱孫逖

誅仇記趙姬

棄官追鞠育

入夢感容儀

留客茹蔬儉

衛姑冒刃奇

火延環墓泣



抱柩風息

梁庾沙彌

風猛抱棺悲

諱名避石

宋徐積

避石因防諱

投江覓父

漢曹娥

投江誓覓屍

竹筒寄魚

漢杜孝

寄魚心切切

雙鶴來庭

梁庾域

尋鶴意孜孜

上書贖父

漢緄縈

書上君蠲罪

天賜靈丹

陳少卿

心虔帝賜醫

夜績養姑

漢陳少婦

養姑堅夙諾



晨炊祭母

元胡光遠

不忘酒訓

晉陶侃

夢母示丸

梁邱傑

夢仙授藥

孝元陸思

沙門遺瓜

梁滕曇恭

滴血尋骸

梁孫法宗

至性格親

漢薛包

進魚感悟

晉王延

祭母奉晨炊

酒約遵遺訓

丹靈寶古卮

飛仙投峻劑

古佛見寒枝

漉血尋偏苦

純心逐不移

烹魚成底豫



借馬醫親宋崔勇

對芋嗚咽漢鮮于文宗

拋書念父晉趙至

祝堇獲粟晉劉殷

枯苗更生陳吳明徹

甄竈生泉劉宋王彭

蓮花不萎齊蕭子懋

神授石函梁蕭獻明

借馬賴神祇

對芋恒嗚咽

拋書致涕洟

堇生纔止泣

苗長復奚疑

葬畢泉方竭

齋完萼不萎

丹書圖日月



代父從軍

隋木蘭

冰室凍饌

韓王世子

精誠格火

晉何琦

追鹿得獲

梁阮孝緒

芻靈覓樞

元史彥斌

誠通夢寐

齊劉歊

神授風藤

齊解叔謙

羣鵲繞屋

宋呂氏

古戍混雄雌

石室冰凝候

靈幃燄息時

尋獲艱備歷

覓樞苦奚辭

夢藥瘳危疾

求藤遂孝思

天星光射屋



竹攢復榮

齊蕭子罕

乞代父命

梁吉盼

投鑪成金

三國吳李娥

江心湧石

漢隗相

孝感山移

元李忠

不衣緇帛

宋朱百

減算益親

明顧鼎臣

神傳吉地

周裴俠

燈竹綠攢帷

搥鼓申重命

投鑪免百羅

心誠江湧石

孝感地移基

卻絮寒侵體

焚香祝介眉

天神傳地葬



母即活佛

明楊黼

夢得母墓

元丁鶴年

居喪病羸

明宋張汝

拜柑奉母

宋謝生

分膳膳親

吳陸時雍

為親茹素

宋郭琮

鬻子買棺

元趙孝婦

麀來愈病

明周炳

活佛悟衿披

失墓求符夢

居喪忘病羸

拜柑親愈疾

分膳禮無虧

茹素延親壽

為棺賣子貲

麀來沈病愈



蝗不害苗

明顧仲禮

雲護山穴

元楊皞

暑月求冰

元湯霖

盡孝全忠

明曹鼎

博施錫類

宋查道

蝗去疾風吹


雲護山前穴

冰流哭後漸

克忠斯盡孝

錫類故能施







百孝圖元冊目錄

象耕鳥耘

寢門三朝

入林哭省

啗指痛心

蘆衣忍凍

懷橘遺親

夢覺尋父



爲親負米

白魚供母

舞綵娛親

孝馴野兔

鹿乳供親

三載侍疾

刺血書經

行傭備養



埋兒獲金  
淚洗漆字  
賣身葬父  
種瓜營葬  
刻木如生  
拾樵異器  
詣門貨漿  
羣烏銜土



湧泉躍鯉  
執硯涕泣



百孝圖說卷一

元冊

會稽俞葆真蘭浦編輯

兄泰仰山甫繪刊

男崇等全校訂

權



象耕鳥耘

六





象耕鳥耘

虞舜帝瞽瞍之子性至孝父頑

母嚚弟象傲舜耕於厯山有象

爲之耕鳥爲之耘其孝感如此

帝堯聞之事以九男妻以二女

遂以天下讓焉

朱子廿四  
孝事蹟

孔子



曰舜其大孝也與又曰舜其至  
孝矣五十而慕孟子曰大孝終  
身慕父母五十而慕者予於大  
舜見之矣又曰人悅之好色富  
貴無足以解憂者惟順於父母  
可以解憂又曰舜盡事親之道



而瞽瞍底豫瞽瞍底豫而天下  
化瞽瞍底豫而天下之爲父子  
者定此之謂大孝帝生於姚墟  
故姓姚攝位二十八年

十年

四子  
書







寢門三朝

周文王之爲世子朝於王季日

三雞初鳴而衣服至於寢門外

問內豎之御者曰今日安否可

如內豎曰安文王乃喜及

又至亦如之及暮又至亦如



其有不安節則內豎以告文王  
文王色憂行不能正履王季復  
膳然後亦復初食上必在視寒  
煖之節食下問所膳命膳宰曰  
未有原應曰諾然後退武王帥  
而行之不敢有加焉文王有疾



武王不說冠帶而養文王一飯  
亦一飯文王再飯亦再飯旬有

二日乃間

禮記世  
子篇








入林哭筍

晉孟宗少喪父母老疾篤冬日思筍煮羹食宗無  
處可得乃往竹林中抱竹而泣孝感天地須臾地  
裂得筍持歸作羹奉母食畢病愈

朱子廿四  
孝事蹟

宗字恭武本東吳江夏人孫皓傳註曰孟宗母嗜  
筍冬節將至時筍尚未生宗入竹林哀嘆而筍爲  
之出得以供母皆以爲至孝所感







# 啮指痛心

周曾參字子輿事母至孝參嘗採薪

山中家有客至母無措望參不還乃

啮其指參忽心痛負薪以歸跪問其

故母曰有遠客至吾啮指以悟汝爾

王充  
論衡

曾子養曾皙必有酒肉將徹必



請所與問有餘必曰有孟子曰若曾

子則可謂養志也曾皙嗜羊棗而曾

子不忍食羊棗曾子有疾召門弟子

曰啟予足啟予手詩云戰戰兢兢如

臨深淵如履薄冰而今而後吾知免

夫小子


四子書

曾子魯南武城人鄆國



之後點之子孔子弟子述孔子所傳大  
學之道作傳十章孔子以其志存孝  
道因之作孝經唐封郕伯宋封郕國  
公與顏孟並配享元封郕國宗聖公  
明嘉靖九年改稱宗聖曾子







蘆衣忍凍

周閔損字子騫早喪母父娶後母生二子母疾損冬  
月以蘆花衣之其所生二子衣以綿絮損爲父御車  
體寒失戀父責之損不自理父知之欲出後母損曰  
母在一子寒母去三子單遂止後母悔亦成賢母說苑  
孔子曰孝哉閔子騫人不間於其父母昆弟之言四子  
書閔子魯人孔子弟子唐從祀封費侯宋封費公明  
嘉靖九年改稱先賢閔子







懷橘貽母

後漢陸績年六歲於九江見袁術術出橘待之績懷橘二枚及歸拜辭墮地術曰陸郎作賓客而懷橘乎績跪答曰吾母性之所愛欲懷歸以貽母術因奇之吳志績字公紀吳郡人博學多識孫權時拜鬱林太守其父康曾爲廬江太守與袁術交好故術待之甚厚







夢覺尋父

明王原文安人父珣以家貧役重逃  
去原稍長問父所在母告以故號泣  
辭母遍歷山東南北一日渡海至田  
橫島假寐神祠中夢至一寺當午炊  
蒹和肉羹食之一老父至驚覺原告



之夢請占之老父曰若何爲者曰尋

父老父曰午者正南位也莎根附子

肉和之附子膾也求諸南方父子其

會乎原喜謝去至輝縣帶山有寺曰

夢覺原心動天雨雪臥寺門外及曙

一僧啟門出駭曰汝何人曰文安人



尋父而來時珣方執爨竈下僧謂之  
曰若同里有少年來尋父者若倘識  
其人珣出見原皆不相識問其父姓  
名則王珣也珣亦呼原乳名抱持慟  
哭父子相持歸夫妻子母復聚原子

孫多仕宦者

明王原  
本傳







爲親負米

周仲由字子路家貧常食藜藿之食爲親負米

百里之外親歿南遊於楚從車百乘積粟萬鍾

累裊而坐列鼎而食乃歎曰雖欲食藜藿爲親

負米不可得也

劉向說苑

孔子曰由也事親可謂生

事盡力死事盡思者也


家語

仲子入字季路魯卞

人孔子弟子唐從祀封衛侯宋封衛公明嘉靖

九年改稱先賢仲子







白魚供母

宋高登事母至孝嘗舟行至封康間阻風  
方念無以奉晨膳忽有白魚躍于前以供  
母高登登又有銜鹿之事登母久病未差  
思食鹿肉忽一虎銜鹿置門母食肉病遂

愈  
綱目







舞綵娛親

周老萊子至孝奉二親極其甘脆行年七十言不稱老嘗作五綵斑斕之衣爲嬰兒戲於親側又嘗取水上堂詐跌倒地作嬰兒啼以娛親意萊子又有弄雛娛親之事嘗弄雛于雙親之側欲親之喜

高士傳







孝馴野兔

隋華秋事母至孝母疾秋容貌毀悴鬚髮頓改母  
亡絕櫛忘沐負土成墳廬于墓側時大獵有一兔  
人逐之奔入秋廬中匿秋膝下獵人異而免之自  
爾此兔常宿廬中馴其左右郡縣嘉其孝感以狀  
聞後羣盜起往來廬之左右相誡曰勿犯孝子鄉  
人賴全活者甚衆隋書本傳又後漢蔡邕性篤孝母卒  
廬于冢側動靜以禮有兔馴擾其室傍事同








# 鹿乳供親

周剡子性至孝父母年老俱患雙目思食  
鹿乳剡子乃衣鹿皮入深山鹿羣之中取  
乳供親獵者見而欲射之剡子以情告乃

免

朱子廿四  
孝事蹟







三載侍疾

前漢文帝高祖第三子

名恒在位二十二年

初封代

王生母薄太后帝奉養無怠母嘗病三

年帝目不交睫衣不解帶湯藥非口親

嘗勿進仁孝聞天下

朱子廿四孝事蹟







刺血書經

宋顧忻以母病葷辛不入口者十載母  
老目不能覩物忻日夜號泣祈天刺血  
書佛經數卷母目忽明不燭能縫紉九

十餘無疾而終

宋史  
本傳







行傭傭養

後漢江革少失父獨與母居遭亂負母逃難數遇賊或欲劫將去革輒泣告有老母在賊不忍殺轉容下

邳貧窮裸跣行傭供母凡母便身之物莫不畢給

廿四孝

事蹟

革字次翁齊郡人事母自輓車鄉里交稱巨孝

遷諫議大夫名聞天下一說南北朝江革字休映考

城人少失父獨與母居行傭供母賊起出身迎之賊

感其孝而去蓋另一江革耶

俱氏族箋







埋兒獲金

漢郭巨

字文舉  
林縣人

家貧有子三歲母常減食與之巨

謂妻曰貧乏不能供母子又分母之食盍埋此子

子可再有母不可復得妻不敢違巨遂掘坑三尺

餘忽見黃金一釜金上有字云天賜黃金郭巨孝

子官不得奪民不得取

朱子廿四  
孝事蹟







淚洗漆字

南齊袁昂父顗爲宋明帝所殺傳首建鄴藏於  
武庫以漆題顗名以爲誌至元徽中始以還其  
家昂年十五號慟嘔血絕而復蘇以淚洗所題  
漆字皆滅人以爲孝感仕齊爲豫章內史丁母  
憂以喪還江路風潮暴駭昂縛衣著柩誓同沈  
溺風止餘船皆沒惟昂船獲全位司空年八十

卒

袁昂傳








賣身葬父

董永青州人漢末奉父避兵安陸父歿貸  
錢於里人裴氏營葬畢欲請爲奴以償忽  
遇一婦求爲永妻錢主令織練三百疋贖  
永一月而具遂辭永曰吾織女也天帝感  
君之孝令我助君言訖凌空而去

孝子傳







種瓜營葬

齊韓靈敏與兄靈珍早孤並有孝性家  
貧無以營葬共種瓜半畝朝採瓜子暮  
已復生未嘗減耗葬事由此得舉

齊書







刻木如生

丁蘭者河內人也少喪考妣不及奉養乃刻木爲  
人髣彿親形事之若生隣人張叔妻從蘭妻有所  
借蘭妻跪報木人木人不悅不以借之叔醉來評  
罵木人以杖擊其頭蘭還見木人色不懌乃問其  
妻妻告以故即奮劍殺叔吏捕蘭蘭辭木人木人  
見蘭爲垂淚郡縣嘉其至孝通於神明圖其形像  
於雲臺

孫盛逸  
民傳







拾樵異器

漢蔡順

字君仲汝南人

少孤事母至孝遭王莽亂歲荒不給

拾桑椹赤黑異器赤眉賊見而問之順曰黑者味

甘奉母赤者味酸自食賊憫其孝以白米三斗牛

蹄一隻與之順不受合璧羣類又母終未葬火逼其舍

順伏棺號哭火越他舍去其母平生懼雷每雷震

輒圓塚泣曰順在此累舉孝廉不就本傳








詣門貨漿

梁陸襄母猝患心痛醫方須三升粟漿是時冬月  
日又逼暮求索無所忽有老人詣門貨漿量如方  
劑始欲酬值無何失之時以為孝感所致襄字師  
卿餘千人少有大志與里閭落落不合刺史趙政  
問故襄曰世降道衰人各趨利是以索居政深器  
之累遷鄱陽內史平妖賊封餘千侯

梁書  
本傳








羣烏銜土

漢顏烏事親至孝父亡負土築墳羣烏  
銜土助之其吻皆傷因以名縣王莽改  
爲孝烏以彰其行即今浙江金華府東

陽縣也

漢書







湧泉躍鯉



漢姜詩事母至孝妻龐氏奉姑無倦母好飲江水去  
舍六七里妻私出汲歸而奉之母更嗜魚膾又不能  
獨食夫婦常力營供膾召鄰母共食舍側忽有湧泉  
味如江水日躍雙鯉時取以供母東觀漢記詩字士游西  
蜀漢州人事母至孝妻龐氏奉順尤篤母好飲江水  
水去舍六七里妻嘗泝流而汲後值風過時未還母  
渴詩責而遣之妻乃寄止鄰舍晝夜紡績市珍羞使  
鄰母以意自遺其姑久之姑怪問鄰母具對姑感慚  
呼還

漢書







執硯涕泣

晉范喬年二歲時其祖馨臨終撫喬首曰所恨不  
得見汝成人因以所用硯與之至五歲祖母以告  
喬喬便執硯涕泣書晉附錄喬錫類之孝喬臘夕有  
盜其薪者人告喬喬佯不聞盜愧而還薪喬曰取  
薪與父母相懽耳何愧乎遂遺薪以還盜







百孝圖亨冊目錄

蓼莪廢詩

扇枕溫衾

親衰泣杖

剖冰求鯉

爲親拜虎

暑不驅蚊

搯虎拯親



金一  
躬滌溺器

哀毀支筇

嘗糞心憂

聞哀輟社

盜恤孝子

念親卻虎

葡萄遺母

登堂拜乳



求增父秩  
袖劍誅仇  
棄官尋母  
入夢見親  
烹鷄奉母  
冒刃保姑  
泣滅原燎  
抱柩風息



諱名避石  
投江覓父



百孝圖說卷二

亨冊

會稽俞葆真蘭浦編輯

允泰仰山甫繪刊

男棠等全校訂

權







蓼莪廢詩

魏王哀事親至孝母存日性怕雷既卒葬於山林  
每遇風雨聞雷響震之聲即奔至墓所拜跪泣告  
曰哀在此母親勿懼嘗讀詩至哀哀父母生我劬  
勞未嘗不三復流涕門人爲廢蓼莪之篇哀字偉  
元脩之孫父儀以直言忤司馬昭見殺哀痛父死  
於非命終身未嘗西向而坐示不臣晉也廬於墓  
側攀柏悲號涕泣著樹樹爲之枯

晉史孝友傳







扇枕溫衾

漢黃香年九歲失母思慕惟切鄉人稱其孝躬執  
勤苦事父盡孝夏天暑熱扇涼其枕簟冬天寒冷  
以身煖其被席太守旌表而異之


後漢書  
文苑傳

香字文

彊江夏人父況貧無奴僕香躬執勤勞盡心供養  
九歲失母時哀毀骨立博學能文章肅宗詔詣東  
觀讀秘書號曰天下無雙江夏黃香累遷尚書令

東觀  
漢紀







親衰泣杖


漢韓伯瑜性至孝時有過其母杖之大  
泣其母曰他日笞之未嘗泣今悲泣何  
也伯瑜對曰他日笞之痛知母康健今  
母之力衰不能使痛是以泣也

說苑



本圖原仿廿  
四孝舊圖繪  
卧水因與圖  
說不合再查  
史載並無卧  
水之語茲依  
史更正

癸酉仲夏識





剖冰求鯉

晉王祥性孝早喪母

繼母朱氏

不慈數譖

之父前由是失愛於父其母嘗欲食

生魚時天寒冰凍祥解衣將剖冰求

之冰忽自解雙鯉躍出持歸供母鄉

里驚歎以為孝感所致

晉書

祥字休徵

沂州人少有至性繼母朱氏不慈每

使掃除牛下祥孝事愈恭父母有疾



衣不解帶湯藥必躬嘗母嗜魚鮓會  
冰凍不可得祥解衣將剖冰求之冰  
忽自解雙鯉躍出持之而歸母又思  
黃雀炙忽有雀數十飛入其幙遂取  
以奉母鄉里驚歎祥後母弟覽亦具  
至性愛兄甚篤年數歲見祥被母楚  
輒涕泣抱持甫成童每諫其母母虐  
爲之稍減母屢以非理使祥覽輒自



與分勞又虐使祥婦覽婦輒趨而與  
俱母患之為止王祥王覽傳王覽字元通  
覽母朱氏密使酖祥覽知之竟取酒  
祥疑其有毒爭而不與朱遽奪反之  
自後朱賜祥饌覽輒先嘗朱懼覽致  
斃遂止晉史按王覽不惟愛兄甚篤且  
能致親不陷于不慈此誠為大孝者  
也小學外篇







爲親拜虎

明邑實夫途遇虎銜衣入林中釋而蹲  
實夫拜請曰吾被食命也如父母失養  
何虎即舍去後人名其地爲拜虎岡又  
蘇奎章從父入山猝遇虎奎章倉皇泣  
告願舍父食已虎曳尾徐去

均謝定  
佐傳







暑不驅蚊

晉吳猛年八歲事親至孝家貧榻無帷  
帳每夏夜蚊多噉膚恣渠膏血之飽雖

多不驅之恐其去己而噬其親也愛親

之心至矣

朱子廿四  
孝事蹟

猛字世雲豫章分

甯人







搯虎拯親

漢楊香年十四歲嘗隨父豐往田獲粟父爲虎曳  
去時楊香手無寸鐵惟知有父而不知有身踴躍  
向前搯持虎頸虎亦靡牙而逝父因得免害

朱子  
廿四

孝事

順陽楊豐女香隨父往田獲粟豐爲虎所噬

香年十四手無寸刃乃搯虎頸父遂得免太守言

狀賜穀旌門

異苑







躬滌溺器


宋黃庭堅元祐中爲太史性至孝身雖貴顯奉母  
盡誠每夕親自爲母滌溺器未嘗一刻不供子職

朱子廿四  
孝事蹟

庭堅字魯直號山谷分甯人仕國子監

東坡嘆其詩獨立萬物之表薦云瑰琦之文絕妙  
當世孝友之行追配古人







哀毀支筇

北魏王崇兄弟並以孝稱母喪杖而後起鬢髮墮  
落母喪闋後丁父憂哀毀過禮是年夏風雹所過  
之處禽獸暴死草木摧折至崇田畔風雹便止禾  
麥十頃竟無損落及過崇地風雹如初咸稱至行

所感

北魏書  
本傳








嘗糞心憂

南齊庾黔婁爲孱陵令到縣未及旬日父易在家  
遘疾黔婁忽心驚汗流即日棄官歸家時父疾始  
二日醫者曰欲知疾差劇但嘗糞苦則佳黔婁嘗  
之甜心甚憂之至夕稽顙北辰求以身代父死

梁書  
本傳







聞哀輟社

魏王修年七歲喪母母以社日亡來歲  
鄰里祭社修感念母哀甚鄰里聞之爲  
之輟社

三國志







盜恤孝子

漢趙咨字文楚胙城人敬養老母有盜至刦之咨  
恐母驚乃先至門迎盜拜曰母老而病亡無驚駭  
衣糧任取餘無所請盜相謂曰此孝子義士也不  
可干犯遂去鄉黨稱其名又唐書載牛徽父蔚避  
地于梁徽與子扶藍輿歷閣路盜擊其首持輿不  
息徽拜曰親老疾幸莫驚駭及前谷又逢盜輒相  
語曰此孝子共舍之事類此故附錄







念親卻虎

宋朱泰事母至孝家貧鬻薪養母常適數十里外  
易甘旨以奉親一日雞初鳴入山及明憩于山足  
遇虎搏攫負之而去泰已瞑眩行百餘步忽稍醒  
厲聲曰虎食我恨我母無託耳虎忽棄泰於地走  
不顧如人疾驅狀鄉里稱其孝感目爲朱虎殘泰  
傳







葡萄遺母

唐陳叔達仕唐爲侍中高祖賜食葡萄  
叔達執而不食帝問其故答曰臣母患  
渴求之不能得歸啖母耳上流涕曰卿  
有母遺乎因賜之孝感帝心誠錫類之

考叔也

世說







登堂拜乳

唐崔山南曾祖母長孫夫人年高無  
齒祖母唐夫人每日櫛洗升堂乳其

姑姑不粒食數年而康健一日病長

幼咸集乃宣言曰無以報新婦德願

子孫婦孝敬新婦而已

朱子世四  
孝事蹟








求增父秩

唐孫逖父嘉之第進士終襄邑令逖遷  
中書舍人是時嘉之且八十猶爲令逖  
求降外官增父秩帝遷嘉之宋州司馬

聽致仕

唐書  
本傳







袖劍誅仇

魏酒泉趙娥父安爲李壽所殺娥兄弟俱病死自  
傷父讐未報乃帷車袖劍白日刺壽於都亭因詣  
縣自首曰父讐報矣請受戮縣尹義之欲縱娥去  
娥不肯曰決獄君之常理何敢苟生以枉公法乎  
會赦得免

魏志







# 棄官尋母

宋朱壽昌年七歲生母劉氏爲嫡母所妬出嫁母子

不相見者五十年神宗時棄官入秦與家人訣誓不

見母不復還後行次同州得之母年七十餘壽昌父

廿四孝事蹟

守雍時出其母劉氏母子不相知者五十年壽昌行

四方求之不已飲食罕御酒肉與人言輒流涕熙寧

初棄官入秦行次同州得焉雍守錢明逸以事聞詔

壽昌還就官由是天下皆知其孝

小學外篇







入夢見親

齊宗室鏗三歲喪母及有識問母所在左右告以  
早亡自悲不識母常祈請幽冥求一夢見至六歲  
遂夢見一女人云是其母鏗悲泣向舊左右說容  
貌衣服皆如平時聞者莫不欷歔

南史齊宣都  
王鏗傳







烹雞奉母

漢茅容字季偉陳留人年四十餘耕於野時與等輩避雨樹下衆皆夷踞相對容獨危坐愈恭郭林宗行見而奇之曰吾友也遂與共言因請寓宿旦日容殺雞爲饌林宗謂爲己設既而盡供其母自以草蔬與容同飯林宗起拜之曰卿賢乎哉因勸

令學卒以成德

後漢書  
郭泰傳








# 冒刃保姑

唐盧氏者鄭義宗之妻也畧涉書史事舅姑甚得婦道嘗夜有強盜數十人持杖鼓譟踰垣而入刳其家家人皆逃匿惟有姑年老不能去盧氏乃冒刃立於姑側被賊笞擊幾死不避姑曰歲寒然後知松栢之後凋也信然及賊去後家人問何獨不懼盧氏答曰凡人之所以異於禽獸者以其有仁義也吾聞鄰里有急尚相赴救況在於姑而可委棄乎若萬一危禍豈宜獨生

耶

姓氏  
箋註








泣滅原燎

晉夏孝先桐廬人父亡負土成墳廬其  
側時有野火燎山將逼塋域孝先環墓  
號慟鳥獸羣集以毛羽濡水洒火遂滅








抱柩風息

梁庾沙彌嫡母歿晝夜號慟所坐薦淚沾為爛母好啖甘蔗沙  
彌不食焉梁武帝召見嘉之除邵陵王參軍事隨府會稽復丁  
所生母憂還濟浙江中流遇風舫將覆沙彌抱柩號哭俄而風  
靜咸以為孝感所致南史庾沙彌傳又世說庾子興字孝卿父卒官巴  
西奉喪歸至巴東秋水大漲子興撫棺長叫其夜水忽減退時  
人為之語曰瞿塘水退為庾公姓既同而事亦相類南史本傳又梁  
宗室脩年十二丁母艱自荊州反葬江中遇風前後部伍多沈  
溺脩抱柩長號血淚俱下竟得無恙南史宗室本傳







諱名避石

宋徐積字仲車安陽人以父羅城君諱  
石平生不用石器遇石則避而不踐或  
謂先生曰天下用石多矣必避之然後  
爲孝歟他日山行奈何先生曰此吾私  
跡則然吾豈固避之哉吾遇之怵然傷  
吾心乃思吾親不忍加足其上他日若  
有君命敢從私乎先生因具公裳見貴




官忽自思云見貴官尚必用公裳豈有  
朝夕見母而不具公裳者乎遂晨夕具  
公裳揖其母事母謹嚴非有大故未嘗  
去其側日具太夫人所嗜或不獲即奔  
走闌市人或慕其純孝損直以售之年  
過壯未娶或勉之答曰娶非其人必爲  
母病予非敢忘嗣固有待也太夫人飲  
食時率家人在左右爲兒戲或謳歌以



說之故太夫人雖在窮巷而奉養與富  
貴家等無須臾不快也太夫人既以疾  
終先生號慟嘔血絕而復蘇哭不輟聲  
水漿不入口七日廬墓三年臥苫枕塊  
線經不去身至雪夜哀號伏墓呼太夫  
人問寒否如平生顛委僵仆手足皆裂  
不顧也謚節孝居士 宋書



投江覓父






投江覓父

漢曹娥上虞人父盱善巫祝午日迎神沂濤而上  
溺死不得其尸娥年十四乃投瓜於江曰父在此  
瓜當沈沿江號哭十有七日瓜沈娥遂投江而死  
抱父屍出上虞令以其事聞表爲孝女立祠江邊  
至今享祀不絕

會稽  
典錄



















百孝圖利冊目錄

竹筒寄魚

雙鶴來庭



百孝圖利冊目錄

竹筒寄魚

雙鶴來庭

上書贖父

天賜靈丹

夜績養姑

晨炊祭母

不忘酒訓



夢母示丸  
夢仙授藥  
沙門遺瓜  
滴血尋骸  
至性格親  
進魚感悟  
借馬醫親  
對芋嗚咽



拋書念父  
祝堇獲粟  
枯苗更生  
塿竈生泉  
蓮花不萎  
神授石函  
代父從軍  
冰室凍饌



精誠格火  
追鹿得參



百孝圖說卷三

利冊

會稽俞葆真蘭浦編輯

兄泰仰山甫繪刊

男棠等全校訂

權








竹筒寄魚

漢杜孝已郡人役在成都母喜食生魚孝於蜀截  
大竹筒盛魚江頭塞之以草祝曰願母得此作膾  
因投中流婦出汲乃見筒來觸岸異而取視有二  
魚含笑曰必我婿所寄熟而進之間者歎駭其孝  
感所至

蕭廣濟  
孝子傳







雙鶴來庭

梁庾域為懷甯太守罷任歸妻子猶  
事井臼自衣大布餘俸專充供養母

好鶴唳域所在尋求孜孜不怠一日

雙鶴來下論者以為孝感所致

南史  
本傳








上書贖父

漢太倉令馮于意有女五人而無男孝文皇帝時淳于意有罪當刑是時肉刑尚在詔獄繫長安當行會逮意罵其女曰生女不生男緩急非有益少女緹縈悲泣隨其父至長安上書曰妾父為吏齊中皆稱廉平今坐法當刑妾傷夫死者不可復生刑者不可復屬雖欲改過自新其道無由也妾願入身為官婢以贖父罪使得自新書奏天子憐悲其意詔釋意罪並除肉刑

列女傳







天賜靈丹

陳少卿母疾求醫不效夜半虔禱上天

願求妙藥少頃金盤有聲果蒙天賜藥

四十九粒母服之即愈

孝子傳








夜績養姑

漢陳孝婦年十六而嫁未有子夫當行成臨別囑婦曰我生死未可知今有老母無他兄弟備養吾不還汝肯養吾母乎婦應諾夫果不還婦日夜紡績以養姑後其父母哀其少而無子將嫁之婦曰夫去時囑代供養其母既許諾之而不能信將何以自立欲自殺父母懼而止後姑八十餘而終盡賣其田宅以葬之沒身奉祀淮陽太守以聞使賜黃金四十斤號稱孝婦

小學  
外篇








晨炊祭母

元胡光遠事親至孝母喪廬墓一夕夢母欲食魚晨  
起號天將求魚以祭奈無所得忽見生魚五尾列  
墓前得炊以祭母初獲魚時俱有啣痕鄰里驚異  
方共聚觀有獺出草中浮水去衆知是獺所獻以  
狀聞於官表其閭至孝聞鄉里

胡光遠  
本傳



不忘酒訓






不忘酒訓

晉陶侃鎮武昌與僚佐殷浩等飲有定  
限嘗歡甚浩等勸更少進侃悽愴良久  
曰年少曾有酒失亡母見約故不敢踰

本傳








夢母示丸

梁邱傑吳興人有孝行年十四遭母喪以熟菜有味不嘗于口歲餘夢母曰死止是分別耳何事乃爾荼苦汝嗽生菜遇蝦蟇毒靈牀前有三丸藥可取服之傑驚起果得一甌甌中有藥服之下蝌蚪子數升邱氏世保此甌云

邱傑傳







夢仙授藥

元陸思孝紹興山陰樵者性至孝母病  
思考醫禱不效方欲刲股肉以進忽夢  
寐間恍若有神人者授以藥劑思考得  
而異之即以奉母疾遂愈

陸思  
孝傳








沙門遺瓜

梁滕曇恭南昌人年五歲母楊氏患熱思食寒瓜  
土俗所不產曇恭歷訪不得銜悲殊切俄遇見一  
沙門謂曰吾有兩瓜分一相遺還以薦其母舉室  
驚異尋訪沙門莫知所在及父母卒哀慟嘔血蔬  
食終身其門外有冬生樹二株忽有神光自樹而  
起俄見佛像及夾侍之儀容光顯著自門而入曇  
恭家人大小咸共禮拜久之乃滅人稱滕曾子

梁書  
本傳







滴血尋骸

梁孫法宗有至行父被害海漚法宗入海求屍聞父  
予以血漚骨當却漬浸乃操刀沿海見枯骸則刻肉  
灌血十餘年臂脛無完膚終不能逢遂終身哀經常  
居墓所山禽野獸皆悉馴附每麋鹿觸網必解放之  
償以錢物後忽苦頭創夜有女人至曰我是天使來  
相謝行創本不關善人使者遠相及可取牛糞汁傳  
之即差如其言果驗遂傳其方一境賴之

梁書本  
傳







至性格親

漢薛包好學篤行父娶後妻而憎包分出之包日夜號泣不能去至被毆杖不得已廬於舍外旦入而灑掃父怒又逐之乃廬于里門晨昏不廢積歲餘父母慙而還之後服喪過哀既而弟子求分財異居包不能止乃中分其財奴婢引其老者曰與我共事久若不能使也田廬取其荒頽者曰吾少時所理意所戀也器物取其朽敗者曰我素所服食身口所安也弟子數破其產輒復賑給

漢書







進魚感悟

晉王延九歲喪母每至忌月則悲啼一旬繼母卜氏  
遇之無道恒以蒲穰及敗麻頭與延貯衣其姑聞而  
問之延知而不言事母彌謹卜氏嘗盛冬思生魚求  
而不獲延叩冰而哭忽有一魚長五尺涌出水上延  
取以進母食之積日不盡於是心悟撫延如己生  
晉史  
延西河人事親色養夏則扇枕席冬則以身溫被隆  
冬盛寒體常無全衣而親極滋味

小學  
外篇



借馬醫親





借馬醫親

宋崔勇隸廣西軍聞母病欲絕勇號天  
痛哭忽一道士曰借汝馬三日可到且  
有藥可愈母疾勇乘馬歸以藥進母病  
即愈少頃視馬乃斃也

稗史







對芋嗚咽

漢鮮于文宗性至孝年七歲喪父父以  
種芋時亡至明年芋時對芋嗚咽如此

終身  
郭說



祝堇獲粟






祝堇獲粟

晉劉殷字長盛勝州人七歲喪父哀毀過禮祖母王氏盛冬思堇而不言食不飽者一旬矣殷怪而問之王言其故殷時年九歲乃于澤中慟哭曰殷罪釁深重幼丁父艱蜀王母在堂無旬月之養殷為人子而所思無獲皇天后土願垂哀愍聲不絕者半日忽若有人云止止聲殷收淚視地便有堇生焉因得斛餘而歸食而不減至時堇生乃盡又嘗夜夢神人謂之曰西籬下有粟寤而掘之得粟十五鍾銘曰七年粟百石以賜孝子劉殷自是食之七載方盡

晉書  
本傳



枯苗更生





枯苗更生

陳吳明徹幼孤性至孝家貧無以葬乃勤力耕種時亢旱苗稼焦枯明徹哀憤每之田中號泣仰天自訴居數日有自田還者云苗已更生明徹疑為給已及往田所竟如其言秋而大穫足充葬用時有伊氏者善占墓謂其兄曰君葬日必有乘白馬逐鹿者經過墳上此是最小孝子大貴之徵至時果有此應明徹即最小子也太建中明徹以侍中領軍北伐至秦郡高宗以秦郡為明徹舊邑詔具太牢令拜祠上冢時以為榮

吳明徹  
本傳







塼竈生泉

劉宋王彭少喪父母家貧無以營葬晝則傭力夜則號泣鄉里哀之乃各出夫力助作塼塼湏水而天旱穿井數十丈不得泉墓處去淮五里荷擔遙汲困而不周彭號天自訴一旦大霧霧歇塼竈前忽生泉水鄉鄰助之者並嗟神異縣邑近遠悉往觀之葬竟水便竭太守上其事表其里為通靈里

南北朝  
宋史







蓮華不萎

齊宗室子懋年七歲時母阮淑媛常病篤請僧行道有獻蓮花供佛者以銅甕盛水漬其莖子懋流涕禮佛曰若使阿姨因此和勝願甕中之華竟齋不萎七日齋畢華更鮮紅視甕中稍有根鬚當世

稱其孝感

南史齊晉安王子懋傳








神授石函

梁蕭叡明母病風積年沉卧叡明晝夜祈禱時寒  
淚為之水如筋額上叩頭血亦水忽有一人以小  
石函授之曰此療夫人病叡明跪受之忽不見以  
函奉母函中有三寸絹丹書日月字母服之即平

復南史  
本傳



代父從軍





代父從軍

隋花弧商邱人有女名木蘭父病不能從軍為有司所苦蘭女  
子男裝代父征戎十二年而歸其樂府辭有云昨夜見軍帖可  
汗大點兵軍書十二卷卷卷有爺名阿爺無大兒木蘭無長兄  
愿為市鞍馬從此替爺征其戎邊十二年無有知其為女者其  
詞又有云出門看火伴火伴皆驚忙同行十二年不知木蘭是  
女郎雄兔脚撲朔雌兔眼迷離雙兔傍地走安能辨我是雄雌







冰室凍饌

漢韓王暑而求凍饌世子以私財作冰  
室取羹饌而藏之既凍乃進於王韓王

悅為之賦懷冰

天祿閣記







精誠格火

晉何琦字萬倫繁昌人性至孝丁母憂居喪泣血  
杖而後起停柩在殯為鄰火所逼烟焰已交家乏  
僮使計無從出乃匍匐撫棺號哭俄而風止火息  
堂屋一間免燒其精誠如此

晉書  
本傳








追鹿得參

梁阮孝緒字士宗尉氏人屏居一室非定省未嘗出戶大中丞  
任昉望而嘆曰其室雖邇其人則遐鄱陽王妃孝緒姊也王嘗  
命駕造訪鑿垣而遁性至孝嘗於鍾山聽講母王氏忽有疾兄  
弟欲召之母曰孝緒至性冥通必當自至孝緒果心驚而反鄰  
里嗟異之合藥須得生人參舊傳鍾山所出孝緒躬歷幽險累  
日不逢忽見一鹿前行孝緒隨之至一所而滅就視果獲此草

母服遂愈

南史本傳







百孝圖貞冊目錄

芻靈覓柩

誠通夢寐

神授風箴

羣鵲繞屋

竹攢復榮

乞代父命

投鑪成金



江心湧石  
孝感山移  
不衣棉帛  
減算益親  
神傳吉地  
母即活佛  
夢得母墓  
居喪病羸



拜柑奉母  
分膳贍親  
為親茹素  
鬻子買棺  
抽腸和藥  
剗股進粥  
雲護山穴  
暑月求水



盡孝全忠  
錫類博施



百孝圖說卷四

貞冊

會稽俞葆真蘭浦編輯

兄泰仰山甫繪刊

男棠等全校訂

權








芻靈覓柩

元史彥斌有孝行至正十四年河溢彥斌母柩為  
水所漂彥斌縛草為人置水中仰天呼曰母棺被  
水不知其處願天矜憐哀子之心假此芻靈指示  
母棺言訖涕泗橫流乃乘舟隨草人所之經十餘  
日行三百餘里草人止桑林中視之母棺在焉元史  
傳本







誠通夢寐

齊劉歊奉母兄以孝悌稱寢食不離左右意有所

須口未及言歊已先知母每疾病夢歊進藥及翌

日疾良已其誠感如此歊隱居求志不娶不仕忽

有老人無因而至謂歊曰君心力堅猛必破死生

但運會所至不能久留一方耳彈指而去歊於是

信心彌篤俄疾卒時有沙門寶誌遇歊於途謂之

曰隱居學道清淨登仙如此三說

南史本傳



神授風箏





神授風藤

齊解叔謙字楚梁雁門人母有疾叔謙夜於庭中  
稽顙祈禱聞空中語云此病得丁公藤為酒便差

即訪醫家及本草注皆無識者乃求訪至宜都郡

遙見山中一老公伐木問其所用答曰此丁公藤


能治病療風尤驗叔謙便拜伏流涕具言來意此

公愴然以四段與之併示以漬酒法叔謙受之顧

視此人不復知處依法為酒母病即差

南史  
本傳







羣鵲繞屋

宋呂仲洙女名良子晉江人父得疾瀕殆良子與  
妹細良焚香祝天請以身代刲股為粥以進時夜  
中群鵲遶屋飛噪仰視空中有大星煜煜如月者  
三越翌日父瘳太守真德秀表其居曰懿孝

呂仲洙  
女傳







竹攢復榮

齊宗室子罕武帝第十一子也性至孝

頗有學問母嘗寢疾子罕晝夜祈禱於

天以竹為燈攢照夜此攢宿夕枝葉大

茂母病亦愈咸以為孝感所致

南史齊  
南海王

傳本







乞代父命

梁吉，字彥霄，孝行馮篤。父為原鄉令，為吏所誣，罪當大辟。吉年十五，撻登聞鼓，乞代父命。武帝異之，尚以其童幼，疑受教於人，勅廷尉嚴加脅誘，取其款實。吉對曰：「囚雖蒙弱，豈不知死可畏，憚顧諸弟幼藐，惟因為長，不忍見父極刑，自延視息，所以內斷胸臆，上千萬乘，奈何受人教耶？」帝并赦之。南史

孝義傳



投爐成金





# 投爐成金

吳李娥父為吳大帝鐵官治以鑄軍器  
一夕鍊金於爐而金不出吳令耗折官  
物者坐斬娥年十五遂自投爐中於是  
金液沸溢塞爐而下遂成溝渠注二十

里所收金億萬計

孝苑







江心湧石

漢隗相字叔通捷為人性至孝母凡食  
必求江心水以舟汲之江心忽湧出一  
石舟乃可依至今石在江中號為孝子

石  
水經注

酈道元



孝感山移





孝感山移

元李忠晉甯人幼孤事母至孝大德七年地大震邠保山移所過居民廬舍皆摧壓傾圯將近忠家分為二行五十餘

步復合忠家獨完

李忠傳








不衣棉帛

劉宋朱百年家素貧母以冬月亡衣並  
無絮自此不衣棉帛嘗寒時就孔顗宿  
衣悉夾布飲酒醉眠顗以臥具覆之既  
覺引卧具去體謂顗曰綿定奇溫因流

涕悲慟

南史  
逸傳  
隱







減算益親

明顧鼎臣字九和號永齋南直崑山人父諱恂年五十而生公  
公自幼盡孝稍長撰一表文每夜焚香祝天願以己算益親見  
已成立一夕夢黃鶴自天飛來近視之即所焚表也未批云鼎  
臣減算益親出於至誠父延二紀鼎臣狀元及第後恂果臻上  
壽見子登第受封鼎臣登弘治乙丑科狀元及第官至大學士  
卒贈太保謚文康為名臣崑山志宋柳約天性至孝母病甚泣禱  
於天願損壽以益親壽母尋愈約後竟先母兩月卒柳約元王傳  
薦性孝父嘗疾甚薦夜禱於天願減己年益父壽父絕而復甦  
曰適有神人黃衣紅帕覆首恍惚語我曰汝子孝上帝命錫汝  
十二齡疾遂愈後果十二年而卒王薦事同附記



神傳吉地





神傳吉地

五代周裴俠字嵩和年十三遭父憂哀毀有若成人將擇葬地而行空中有人曰童子何悲葬於桑東封公侯俠懼以告母母曰神也吾聞鬼神福善爾家未嘗有惡當以吉祥告汝耳時俠宅畔有大桑林因葬焉俠仕周官工部大夫賜爵為公俠居官清勤嘗遇疾沉頓忽聞五鼓便即驚起曰可向府邸所苦因此遂瘳晉公護聞之曰裴俠危篤若此而不廢憂公因聞鼓聲疾病遂愈此豈非天佑其勤恪也

裴俠傳

又守河北時入朝周太祖

命獨立曰裴俠清慎奉公為天下最有如俠者與之俱立衆默

然朝野嘆服號獨立使君

姓氏箋註







母即活佛

明太和楊黼慕蜀中無際大師前往訪之途遇老  
僧呼黼姓名曰無際大師是我之師命我迎汝傳  
語見無際不如見活佛黼曰活佛安在僧曰但東  
歸見披衿倒屣者是矣黼遂回抵家已夜半母聞  
扣門聲喜甚遂披衿倒屣而出黼見大悟自此竭  
力孝親手注孝經數千言年八十七誦偈而化

明史







夢得母墓

元丁鶴年於兵亂後失母墓所悲慕深

切夜夢母告以葬所鄰翁韓重者亦夢


焉即其地求而得之見母屍正中一齒

如漆復嚙指滴血試之良驗遂改祔父

壙人呼為丁孝子

逸史







居喪病羸

宋張汝明事親孝執喪水漿不入口三日日飯脫  
粟飲水無醯鹽草木之滋浸病羸行輒踣夢父授  
以服天南星法用之驗人以為孝感所致

張汝明  
本傳







拜柑奉母

宋馮熙時江州民謝生母老病以夏月  
思生柑不啻饑渴謝家有小園種此果  
乃夜拜樹下膝為之穿裂詰旦已累累  
結實數顆食之病遂瘳

宋史







分膳膳親

吳陸時雍補郡學生念母兄時不

給語掌膳曰吾日膳不盡餐願撤

一膳遺母自以一膳分為晨夕

孝苑







為親茹素

宋郭琮事母極恭順居常不過中食絕飲酒茹葷  
者三十年以祈母壽母年百歲耳目不衰飲食不  
減鄉里異之至道三年詔書存恤孝悌轉運使狀  
琮事以聞有詔旌表門閭明年母無疾而終

宋史  
本傳







鬻子買棺

元趙孝婦早寡事姑孝嘗念姑老一旦有不諱無  
由得棺以次子鬻富家買杉木治棺置於家南鄰  
失火南風烈甚火勢及孝婦家孝婦亟扶姑出避  
而棺重不可移乃撫膺大哭曰吾為姑賣兒得棺  
無能為我救之者苦莫大焉言畢風轉而北孝婦  
家得不焚人以為孝感所致

趙孝婦  
本傳



抽腸和藥





抽腸和藥

明趙希乾南豐人年十七母病日夕禱以身代不愈往占占者亦言不利益惶遽無計夜不能寐起索利刀剖胸深寸許以手探其心不可得風聲震飄簾戶俱動以為人至急取得腸抽出割數寸投之藥壺腸既出乃昏仆就床家人覺之血已淋漓心腹間矣亟叩醫治皆謂莫救不旬日母病竟愈而希乾亦漸次飲食月餘竟無恙族黨以為奇孝學使侯峒曾聞其事南豐甘中素為作傳焉

邑志







封股進粥

明吳璋吳江人少孤年十歲母陸氏永樂年間奉例選入宮隨親王分封廣東韶州璋棄家訪母舟中設大士像禮拜求見其母泣聲悽愴中途患病晝夜百起昏憤中猶呼娘不置及抵韶而王已改封江西矣奔馳沙磧兩足俱腫卧野寺



廡下呻吟終夜有道人自言姓焦  
取藥敷之立愈過嶺遇黑蛇噬足  
倒地復見焦道人至以藥塗之然  
尚痛不能行也大雪憇古廟中又  
見道人來撫之曰為母忘軀真鐵  
漢也出餅與食頓忘飢渴至饒州  
具本啟王求見母王不許乃求王  
府側賃一室室中大書思親二字



旁一聯云萬里尋親歷百艱而無  
悔一朝見母誓九死以何辭後得  
請入見母于養贍所母已病篤昏  
不知人乃刲股作糜以進母乃漸  
甦王聞而賢之召賜金帛命扶母  
還後子洪孫山俱官刑部尚書人  
謂純孝之報

明史







雲護山穴

元楊皞母牛氏嘗病劇皞叩天求代遂  
痊如是者再後牛氏失明皞登太白山  
取神泉洗之復如故牛氏沒哀毀特甚  
葬之日大雨獨皞墓前後數里密雲蔽  
之雨不沾土送者大悅

楊皞傳







暑月求水

元湯霖母病熱更數醫弗能效母不肯飲藥曰惟  
得水我疾可愈時天氣甚煖霖求水不得累日號  
哭於池上忽聞池中戛戛有聲拭淚視之乃冰漸  
也取以奉母疾果愈

元史  
本傳







畫孝全忠

明曹鼎字萬鍾號恒山北直寧晉人事繼母以孝

聞以癸卯榜授代州學正上書願得劇職自效改

泰和縣典史宣德八年癸丑以督工匠赴京請與

會試許之遂登第第二名廷試狀元及第歷官至


吏部侍郎兼學士正統己巳隨征歿於軍中贈太

傅吏部尚書兼文淵閣大學士謚文襄改謚文忠

為名臣

明史








錫類博施

宋查道字湛然事母以孝聞母嘗病思鰕羹方冬苦  
寒道泣禱于河鑿冰取之得鰕尺許以饋又刺臂血  
寫佛經母疾尋愈後官右司郎中出知虢州歲歉出  
積廩米賑之又設粥糜以救飢者所全活萬餘人平  
居祿賜所得輒散施親族與人交多所周給深信內  
典居多茹素嘗夢神人謂曰汝位至正郎壽五十七  
而享年至六十四論者以為積善所延也

查道傳







予自道光壬寅由河南省改官粵東得晤  
族弟仰山蘭浦昆仲同宗一脈相聚天涯致  
足樂也及咸豐辛亥于役東江其時蘭浦  
六棣亦幕次汕尾盈一水無閒往來更增  
親密偶於案頭見其撰百孝新詠雖曰文  
章游戲洵具勸懲苦心嘗促即付梓以助  
風化迺蘭浦未竟願志遽作古人迴思曩  
事忽已將三十年不禁人琴之感矣今年  
春初吾自暖恩任滿旋省仰山出贈斯圖



展閱之下見於詩句之外標明題目詳註  
故實復覓善繪事者裝成百圖簡明可觀  
俾婦稚咸知其感蓋歷時幾二十稔煞費  
苦心克成第志二難之學術心性於此可徵  
而仰山友輩之萬尤足令人景企不置焉感  
嘆三復因誌數言時維

同治癸酉上元八十三老叟西湖散人謹跋































Bai xiao tu

[S.l.] 1871

4 L.sin. C 97-1/2

urn:nbn:de:bvb:12-bsb11122604-1